

han-hemen

Santa Klaus mordoxxa bildu dira Galesen, lasterketa batean

Newton herrian (Gales) lasterketa bitxi bat egin zuten herenegun. Parte-hartzaile denak —500en bat— Santa Klausen arropak jantzita atera ziren. Aita Noel azkarrena Tim Davies gaztea izan zen; Ama Noel azkarrena, Annie Lander. Tim Daviesek lasterketa bukatu bezain pronto esan zuenez, «korrika egiteko, uste baino erosoagoa da arropa hau».

'The Matrix' filma grabatzen ari zen aktorea atxilotu egin dute Australian

Brendalee Doel aktore kanadarra Australian zebilen, *The Matrix Reloaded* filma grabatzen, Keanu Reavesekin batera. Australian egoteko baimenik ez zeukan Doekek, eta, gau bat atxilotuta pasatu ostean, hurrengo egunean Australiatik bidali egin zuten. Australiako legeen arabera, Doekek ezingo du hurrengo hiru urteetan Australia zapaldu. Hartara, *The Matrix Reloaded* filmean parte hartu gabe geratuko da.

Johnny Deep eta Estatu Batuak

Johnny Deep aktore estatubatuarra Parisen bizi da azken urteotan. Eta, handik, AEBen gainean hitz egin du. Dioenez, gustuko du AEBetatik kanpo bizitzea: «AEBak, normalean, armekin ikaskideak hiltzen dituzten ikasleekin lotzen ditut». Duela hiru urtetik bizi da Deep Parisen, Vanessa Paradis



PONCHAI KITTIWONGSAKUL / EPA

Txokolatezko zuhaitza

Rene Balmer sukaldari suitzarra ageri da argazkian, txokolatearekin eginiko munduko Gabonetako zuhaitzik handienari azken ukituak ematen, Bangkok, Thailandian. 85 kilo txokolate erabili ditu zuhaitza egiteko, eta Thaiandiako turismoa sustatzeko erabiliko dute.



ORLANDO KISSNER / AP

Bin Laden, Brasilgo futbolzaleen artean

Brasilgo Atletico Paranaense taldeko zale bat Osama Bin Ladenen moztarroarekin ageri da, talde horrek joan den igandean Fluminense taldearen kontra igandean jokatu zuen partiduan.



GERARD JULIEN / EPA

II. Mundu Gerrako lehergailua aurkitu dute

Jean-Pierre Poglio urpekaria eta lehergailuetan aditua Marsellan aurkitu duten II. Mundu Gerrako lehergailu batekin ageri da argazkian. Bertako urpekari batek aurkitu zuen lehergailua, atzo, itsasoan, zazpi metrora. Dena dela, lehergailua ez zen hain arriskutsua, detonatzailerik ez zeukalako.

abeslariarekin eta bien umearekin. «Atsegin dut AEBetatik kanpo nagoela jakitea», dio Deeppek.

Alkateak dioenez, «Mexikoko Administrazioako gaitz handienetakoa da ustelkeria».

Acapulcoko alkatea ustelkeriaren kontrako ordainsariak ematen hasiko da

Zeferino Torreblancak, Mexikoko Acapulco hiriko alkateak, funtzionario ustelak salatzen dituenari ordainsariak emango dizkio. Era horretan, hiri horretako Administrazioa «garbitu» nahi du alkateak. «Ustelkeria onartzen duen hiri ziniko bat ezin da izan Acapulco». Zenbateko ordainsariak emango dituen, horixe ez du esan.


Aita Santuak Vatikanon emango du urteko azken meza

Joan Paulo II.a aita santuak Vatikanon emango du abenduaren 31ko meza, eta ez Erromako Jesuiten elizan, orain arte ohi zuen moduan. Urteroko ohitura zergatik hautsi duen ez dute esan Vatikanon. Dena dela, badiardi Joan Paulo II.aren osasun eskasak eragin duela erabaki hori hartzea, era horretan gutxiago mugitu beharko duelako.

hilberriak

ESKELAK

Gaueko 9ak arte hartzen dira



(0034) 943 300 222



Aitor Fradejas Rodriguez
JAUNA



Universidad del País Vasco Euskal Herriko Unibertsitatea

Meatze eta Herri Lanetako Ingeniaritza Teknikorako U.E.-ko ikaslea

EHUko errektoreak eta Unibertsitateko komunitateak

Beren dolumina adierazten dute eta galera samin honen aurrean bat egiten dute familiaren sentimenarekin.

2001eko abenduak 12